

نورک بوروی

Yil : 1 Say : 11 5 Nisan 1328
نورک کونک فاندمنه جالشیر
اون بش کوننده بر جیقار

عصر مزه ایریشن صوک نشانه لرندن بری اولان علاءالدین تپه سنک حالیه محافظه سی
وهر دورلو تخریب اتدن قورتاریلسی علمه حرمت اولدینی قسدر تورکلکده
فوق العاده بر خدمتدر .

معمار کمال الدین

قصصی مجار لریمزدده

قیصری یه دوغرو..

ایزیمتک ماٹی کورفزی صوک نظرلرله سوزه رک تره نه آتلا نیجه قلمده بر
مخونیت طاشیوردم : تورکلکک داها قویو یرینه کیمک سهو نیچی ..
قیصری یه کله سی یه قادار حاصل اولان بوتون تحس و تأثرلرینی برقاچر
چیزکی ایله (یورد) اوقوی یی یلرینه تقدیم ایتک ایسته یورم .
احبا ایله وداعلاشدم . ایکی سنه لک عمریمک ماٹی برمدفی اولان ایزمیه
تکرار تکرار باقدم . تره ن حرکت ایدرک قوشمغه باشلادی .
صبا نیجه ، لفکه ، بیله جک ، بوز هیوک آراسنده صیق صیق کویله ،
کره میتلی و بیاض بادانالی نه ولره تصادف ایدیور ، تماشا یه لایق درین وادیلر ،
عظمتلی طاغیر ، طاشقلر ، قایاقلر کوریوردق . این اوکندن اعتباراً آرتق
اووا باشلامشدی ؛ کویله ده اوقادار صیق ده کیلدی . صوئو غک آتما سی ایسه
بزه یوکسکلره چیقدیغیزی آکلاتیوردی .
اسکی شهرده برقاچ کون قالدیم . بوراسی ده کزدن سکز یوز متره یه یاقین بر
ارتقاعده اولوب مشهور (دوریلله) خرابه سی اوزرینه یایلمش آلتی بیک
خانلی کوزل برشهردر . متعدد قاپلیجه لری ، لوله طاشی معدنی ، تجارتجه اهمیتی ،
که نیش و منبت اوواسی ، اوچ شمعدوفر خطنک برلشدیکی بر نقطه اولق حسیله
منتظم استاسیونی ، جسم ده میرخانه سی دقتی جلب ایدر .

ساجچوق تورک لرینک ایلك عثمانلیرہ یورد تخصیص ایتدیکی بوقصبه نك یوقاریسندہ و برتپه نك آنکسندہ غازی عثمان بکک قاشن پدري (شیخ آدابالی) نامنه بر تر به اولدینی کبی ، تر به نك جنوب جهتی اتصالده کی بر قبرک عثمانلی تورک لرینک ایلك استقلال خطبه سنی اوقویان (طورسون فقیه) ه عائدی سوبله نیور .

بوتاریخی قبرک داها مکمل بر حاله قونیلیمسینی بویوکاره حرمت دویغوسنی قلبنده طاشیانلرک فدا کارلقلرندن بکله یه بیلیر .

برده شهرک ایچسندہ اورتا جامعی جوارنده محمد بکک خانه سنده اطرافی بارمقلقی ، اوزری اورتولی کتابه سز بر قبر موجود اولوب بونک ییلدیرم بایزیدک شهزاده لرندن (عیسی چلبی) نك اولدینی وحامده قتل ایدیلرک بورایه دفن ایدلیدی متواتردر .

ایلك خطبه نك اوقوندیغی (قره جه شهر) اسکیشهرک غرب طرفنده ویکرمی دقیقه مسافده ، (پورصوق) نهرینک اوستنده درکه بوکون اون بش ، یکرمی خانلی بر کویدن عبارتدر ؛ تپه ده بر خراب قلعه بر طاش بیغینی حالنده کورولمکده در .

اسکیشهرده ساجچوق اثرلرندن یالکز (سلطان علاء الدین) جامعی وازدرکه معماراق نقطه سندن بر اهمیتی یوقدر . اطرافده بولونان بر چوق کویلرک آدئرینک اسکي تورک اسملریله یاد ایدلمسیده بوراسنک عثمانلی تورک لکنک بهشیکی اولدیغی کوستریر : سهوینچ ، کوندوزلر [کوندوز بک] نامنه ، صاری سونفور ، دورغودلر ، غارغن ، کسکین ، آلی ، قایی [سوبله نیشی قاباده کیلدر .] ، بوزان وسائرہ ..

ایکی دفعه سنده ده درس زماننده کیتمش اولدیغ ایچین شهرک بش سنه لاک اولان رسمی اعدادیسینی ، بوراده ایلك عثمانلیرک خالص طورونلرینی کورمه دم ، مکملآ تدریس ایدلرک لرینی برچوق ذاتلر سوبلیدیلر . بوراده برده اناترشدیه سی آچیلمش ایسه ده نه دنسه اوقادار طالیه سی یوقش .

قصبه نك اک شرفلی بر جاده سنده بر فرانسز مکتبیه استاسیونده برده آلمان

مکتبی موجوددر. بونار اعدادی درجه سنده اولوب برچوق خرستیاز وطنداشلر
بورالردن یتیمه رک اجنبی مؤسسهلرینه یرله شیمیور، تجارت عالمه آتیلاراق
لسان بیللملری سایه سنده غلبهلرینی کوستینیورلر.

ارمنی جماعتی بشیوزخانه قادارد. بوبشیوزخانه ک بر (چوچق باغچه سی)
ایله یکیکجه آچیلش یدی سنه لک بر اعدادیسی وبو مکتبک مکمل برده
باندوسی موجوددر. ذکور، اناث ارمنی مکتبک سنوی بشیوز لیرا مصرفی،
بشیوزخانه ویریورمش. مکتبک صنفلرینی طولاشدم. طلبه یی معلوماتلی،
سربست، استقبال ایچین اهتمامه حاضرلنیش بولدم. درسلرینی دیکلهدم؛ حتی
معلملرک تکلیفی اوزرینه ایسته دیکم صنفک اک کوچوک شاگردلرینه تورکجه
فرانسزجه عباره اوقوتدم. دوعروسای ابی ایدیلیر.

مکتبه لسان درسلرینه چوق اهمیت ویرلمشدر. آلمانجه، فرانسزجه،
انگلیزجه اوقوندینی کبی تورکجه یه فضله ساعتلر آیرلش. شاگردلرک عالی مکتبلره
کیره بیللملرینی تأمین ایچین برچوق درسلر تورکجه دن اوقوتیلیور. ارمنیجه کذا.
برده مکتب تجارت عالمه قوی ومستعد فردلریتشدیرمک فیکرنده اولملی که
طلبه دن تشکلی ایدن هیئتلر مثلاً: ارضروم، استانبولده مختاریان مکتبلرینده عینی
صورتله تشکلی ایتیش هیئتلرله تجارت وسیغورطه وسائره معامله سی یاپیورمش.
طبیعی مال یرینه کاغذکلوب کیدیور. هیئتلر آرالردن مغازه یه، شرکته مدیر،
قاصه جی، یازیچی انتخاب ایدیورلر. کونی کونه حساب قیدینه مخصوص
متعدد دفترلر طوتیلیور. مکتوبلرک قوییه سی آلیور. بو معامله بر اویونجق
اولیوب جدیدته یایلمقدهدر.

ایشته اقتصاداً موقعلری یوکسک اولان ارمنی وطنداشلر بویه چالیشیور،
مشروطیتدن بویه استفادهلر ایدیور، تجارت عالمده کی اصل موقعلرینی آتیده
کوستره جککری آکلاشیلیور.

اسکیشرده روم ده واردر؛ فقط نسبتاً آز اولوب قیز وارکک مکتبلری

رشدیه درجه سندهدر.

خرستیان و زنداشر قازانجلی ایشلرده موقع صاحبدرلر . روم ایلی و قسیم مهاجرله بر قسم یرلی اهلایدهده فعالیت اکسیک ده کیلدر . اسلام قیزلری ایچین بوسنهلی بر ذاتک ای بر تشبثی خبر آلدیم . بو آدم یر قز صنایع مکتبی آچش . بوراده قیزلر اوقویه جقار ، خالیجیلق ، چوراپجیلق ، فانیلاجیلق کی برشی ده اوکر نمکله برابر ایجابنده کونلک ، اجرت آله جقارمش . مکتبک ایچه طالبه سی موجودمش . کیتمکه وقت بوله مادیم ایچین هر رده تطبیقی فائدهلی اولان بو مؤسسه یه دائر یازیق که فضله معلومات ویره میه جکم . یرلی امتعه جلبنه ، بقالیه یه مخصوص برشرکتله دیگر شرکتلر مسلمانلر طرفندن تأسیس ایدلمش اولدینی کی اوفق بر بانقده آچیله جقمش . شهرده و صوکراده کویلرده اوتوموبیل ایشلمک دوشونیلمش اولدیغندن نمونه اولق اوزره مکمل بر اوتوموبیل بر شرکت طرفندن کتیر تیلمشدر . ایشته اسکیشهرک معارفه ، اقتصادجه یکی حرکتلری بنم کوردیکمه ، ایشتدیکمه نظر آ بونلردن عبارتدر .



آققرده کیده جکم صباح هوا خیلجه صوغوقدی . بخارله ایصینان (قومبارتمان) که بزکوشه سنه صیقشدم . ده میرلرک اوزرندن بر کورولتی ایچنده قایوب کیدیوردق . واغونک دومانلار نان جامنی صیق صیق سیلیور ، خارجه باقیوردیم . اوفاق تپهلردن ، که نیش ودائمی بیاض بر اورتویه بورونمش آغاجسز قارلی اووادن ، سیاه برر آطه کی بو دالغاسز بیاض ده کیزک بر برینه اوزاق نقطه لرنده کورینان کوچوک کویلردن باشقا برشی کورمدم .

استاسیونلرده ایچه ذخیره چواللری وسائر واردی . کندیلرینه مخصوص تلبسلری ، تکلملری اولان کویلرک هر شیدن خبرسز کی بوش نظرله بزلی سوزوشی اونلرک یانیق چهره لری ، ملول باقیشاری ، هله بر استاسیونده بویکی حاجیلرک قارشیلانملری ، اونلرک بر برینه صاریللری بزه اونوتولیه جق بر خاطره بر اقدی . توراندن طاشوب بورالره قادار کان مرد دده لرک چوجقاری کلدیکی یرلری ، ماضیده کی موقعلری ، هر شیئی اونوتمش کیدی ، یکی عصرک عادتلرینه صانکه حیرتله باقیبور . روخنه کی قدرتی اویوتویوردی .

آققره یی دوغروسی اومدیغ کبی بولامد . چوغی اوستی توپراقلی تهلردن عبارتدر . بویله اولغله برابر منتظم بنالرده شوراده بوراده کوزه چارپیوردی . سوقاقاری برچوق یرلرده اولدیغی کبی طاردر . چارشو ایچندن کچوردم . بر آدم دکانک تحسه کینکینک یاننده بریری سوقاقدن آووج آووج آلدیغی چامورله صیوایور ، دهلیکی طیقایوردی . دیمک بو چامورلی منظره اونی صیقمه یوردی .

شهر یدی بیک خانه در . اوفق برطاغک مائله لری اوزرینه یاییلمش اولوب تپه نك اوزرنده بر قلعه سیله حکومت قوناغی جوارنده روما ایمراطورلرندن (اوکوست) طرفندن دیکلمش بر ستون وآق مدرسه یاننده کی محله بو حکمدارک وصیتنامه سی محکو کدر .

(بوتون انسانلر قارده شدر) اعتقادنده بولندقلری روایت ایدیلن آققره ده بر مدت حکومت ایدن اخیلردن شرف الدینله اخی حسینک مرقدلری یاپدیرمش اولدقلری جامعلر قریبنده در .

آققره الک مقبول قتیق ، بر چوق بغدادی ، نفیس آرمود ، الما ، بال یتشدرییورمش . فضله قاله مادیغ ایچین اقره ده کی مختلف قوم وجماعتلره منسوب اهالی یه داثر معلومات ویرمه جکم .



قیصری یه یوللرک قیشدن قابالی اولمی سببیه (قیر شهری) طرفندن کینمک قابالی اولمادیغی سویلدکلرندن اسکیشهره دونه رک قونیه - ارکلی - بور - نیکده و اینجه صویولی اختیاره مجبور اولدم .

قونیه اوواسنک بوشاغی تخمیندن فضله بولدم . قونیه ده یالکز بر کیجه قالدیغ ایچون سلچوقیلردن قالان نفیس بنالرک بقیه سنی مع التأسف کوره مدم . قونیه ایله ارکلی آراسی ده ده بر چوق نفوس بسله یه جک اراضی یه مالکدر . « آناطولی بوشدر ، آناطولی سفالت ایچنده در . » سوزینی عبدالحمید دورنده آظنه یه کوندربلدیکم زمان بر چوق حالی محللر کورمه مله آکلا یورم ، ادراک ایدیورم صانیوردم . حالبوکه بو سیاحت بکا یاکلیدیغی آکلاندی . آناطولینک اداها ایچریلرینه کیتسه م بلکه قناعتمه دکیشه جکدر .

ارکلیده حمالار ، آراباجیلر اشیایه ، بزه اویله صارلدیلر که نلرندن قورتولمق قابل اولمادی ؛ حتی بزی ایسته مدیکمز بر خانه طیقیدیلر . صوکر اباشقا مناسب بر یر بولمغه مجبور اولدق . احتیاج ، ثروت استحصالتک یولنی بیلمه مک زوالیلری عارسر بر کدی به چه ویرمشدی .

صوکر ا یو جلیق آرابا ایله باشلادی . یولارده طاشدن ، طوبراقدن ایزبه ، رطوبتلی یرلرده یاتاراق اوچ کونده قیصری به واردق . بونلره خان دینیوردی . ارکلی) ، (بور) سو قاقلری چامور ایچنده نولرینک اوزرلری طوبراق اورتولیدر . بر آز همتله یاییله جق تمیزلکر ، دوزکونلکلرده دوغروسی یاییله ماشدر . مثلا (بور) ده چارشی ایچریسندن بول صو آقیور . صویک ایکی آدییم بو طرفی باتاقلق . هرکس قیدسز نظرلرله باقیور . چاموره ، کوله تصادف ایدرسه بوکیلیوروب کچور . احتیاجلر ، عصرلردن بری توالی ایدن آللر زوالیلرک روجلاننده (بدایع) ، (محاسن) ه میل دویغولری یوق ایتمش . انتظام ، کوزلک ، ذوق بونلره غالباً بر یابانچی .. اگر قصبه لرینک حالی کندیلرینی معذب ایتسه یدی البته بو حال ده کیشیردی .

ارکلی ایله بور آراسنده اوزونلغی ، کیشیلکی اون اوچ ، اون بش ساعتک دوز بر اووا وارکه بوم بوشدر دیه بیلیم . اوزاقلرده بایرلرک اتکنده بر قاچ قارارتی کوره رک بونلرک کوی اولدیغی ، آنجاق بو بویوک اووانک کنارلرند آلتی کوی بوندیغی آراباجیدن اوکردم .

موزه خانه نک آلت قاتنه یرلشدیریلن اسکندر الحدینک ارکلیدن چیقیدیغی ، بوکونکی ارکلی قصبه سنک اطرافنک خرابه لرله طولو اولدیغی انسان کورسیورده وقتیه بورلرک نه قازار آدم بسلدیکنی ، نه معموره لرله بزمنش بولندیغی دوشونویور وشیمدیکی حال قارشینده متأثر اولیور .

ایجه صو قضای مرکزی اونلره بکزر برردر ، نیکده اولدجه خوش .. قیصری به کلیرکن (یاواش) اوواسی وده کیزدن ۳۹۰۰ متره ارتفاعده بولونان وپک مهیب منظره سی اولوب وقتیه وولقان اولدیغی آکلاشیلان (ارجاس) طاغنک اتکنده واقع (دوه لو قره حصاری) اوواسی ده منبت

وواسعدر . بو طاعنك چيقله بيلان بر نقطه سنده هر سنه اغستوسده بويوك بر آتش ياقيلير ايمش . احتمال كه بو عادت وولقانك سونمندن صوكراسنده بر كره اولسون طاعلری شنتلك ايچين اتخاذايدلمشدر . ياخود آتش پرستلك زمانندن قالمدر .



كچنديكم يرلرده اراضی به نسبة نفوس آزه، طوپراغی اینی ایشلنمه مش كوردم . او قادار كه آزا صرا كنديمی كره نك بيلمم هانكي نقطه سنده مسكون اوليان يرلرده ظن ايريوردم .

كوبيلرك چوغی يانسق چهره لی ، جيليز ، بعضاً زوزدك وپك حيله جی ایدی . زواليلر هر عصيانه ، هر مجاوزه قوشمقدن ، احتياجلارله پنجه لشمكدن ، بوزوق يوللرده جامورلره بآتمقدن ، رطوبتلی و ضيا سز نه ولرده ياشامقدن بو حاللره دوشمشلردی . هر شی (بدایع) دويغولرينك يوقلغنی كوسترييوردي ؛ فكر مجه مادی احتياجلاری تهوين ايدمه مك ، راحت يوزی كورمه مك بوكا سبب اولمشدی . سفالت بونلری خدعه كار يامش ، جهالت جدیته بوكسكنمه مشدی . كندی كنديمه شويله دييوردم : غربيللره بوكون يان يانه بولنيورز ؛ بزم كريچچ بنالريمز غربك ده ميردن ، طاشدن بنالريه ناصیل چارپشاجق ؟ بزم معلوماتسز ، رؤيالی باشلريمز غربك وقوفلی ، دوشونجه لی دماغلريه ناصیل قارشيلاشاجق ؟ اونلر آلكتريقه ، بخارله ترقی يوللرنده قوشاركن بز بو جامورلی يوللردن داهدا دوغروسى بويولسز يرلردن اونلره ناصیل يتشه جكنز ! باشدن سويله ديكم بر شئی بورايه چيز شدير مهن كچه ميه جكم : ايزميتك نارت پوستالرينی بر خاطره اولمق اوزره آلمق ايچين قراوات ، قارت كبی شيلر ساتيلان مینی مینی بر دكانه كيرمشمدم . آلیش ویرشدن صوكرایالواریر كي صيريتارق خريستان وطن داش بكا دیدی كه : « قيصريده ملت چوقدر ؛ اونلرك ايشته اینی باق . »

باقيمسز توركلكك دوشونجه سييه روحلری يانان تورانك نوز اولادلرينه
بو آجی عبرت لوحه سی هديهم اولسون !